

GUVERNEROV NEWSLETTER – MAJ 2023

PUBLIC IMAGE JE VIŠE NEGO ZBIR MEDIJSKIH IZVJEŠTAJA

Sabine Unterweger
RC Wien-Nestroy
Public Image



Public Relations nudi široko polje djelovanja komunikacije u pogledu medija i mjera. Generalni cilj je da se uvijek postigne adekvatan imidž ili da se zadrži dobar imidž. Rotary ima itekako dobar imidž, iako smo u široj javnosti manje viđeni odn. poznati ili smo nažalost često percipirani samo kao elitarni. Vrlo snažno su zastupljeni Rotary projekti i teme koje provide razni klubovi. Dok je u 2017. godini od 70 posto svih klubova već postignuto preko 600 medijskih izvještaja u štampanim medijima, Rotary se u klupskoj godini 2021/22 već pojavljuje u preko 1.000 medijskih izvještaja. I u aktuelnoj klupskoj godini je sa skoro 800 izvještaja u štampi dostignut prezentabilan rang.

Veliki aplauz pripada izvanrednom angažmanu ne samo klubova koji pružaju značajnu pomoć, nego i onim klubovima koji kontinuirano svoja dobra djela komuniciraju prema medijima.

Spektar tema je raznovrstan i seže od priredbi kao što su primopredaje dužnosti novih predsjednica/ka, koncerti, čarter proslave, balovi, štandovi s punčem, božićni bazari, adventska pjevanja, golf turniri, pomoć u učenju, izložbe, pa sve do omladinskih kampova, dana planinarenja, umjetničkih aukcija, poklanjanja knjiga i kafea za učenje. Jako bitna i sveobuhvatna je bila pomoć za izbjeglice iz Ukrajine kroz kurseve njemačkog jezika ili terapijske pomoći kao i transporti pomoći u lijekovima za Ukrajinu.

Public Image tim je izradio i letak za nove članove koji treba dati temeljitu sliku o Rotaryju, distriktu i nekim članovima, i koji će, nadamo se, doprinijeti da pridobijemo mnoge nove prijateljice i prijatelje.

UDRUŽENJE ROTARY PROJEKATA

Josef Leutgeb
RC Klosterneuburg
RPV Präsident



Udruženje Rotary projekata u Austriji („RPV“) je povlašteni primalac donacija i pod brojem SO-2324 registriran na listi povlaštenih ustanova-primalaca donacija Ministarstva finansija. Time je moguće donacije za RPV odbiti od poreza.

Oko 30 austrijskih klubova trenutno koristi ovu mogućnost kako bi preko RPV prikupljali donacije za socijalne projekte u zemlji i inostranstvu. Na rotary.at pod Distrikt1910 / RPV se može pronaći detaljni opis realizacije projekata.

I projekti Distrikta kao što su „Pomoć za Ukrajinu“ ili “ROTARY daje toplinu” i “Katastrofa od zemljotresa Turska-Sirija” se realiziraju preko RPV računa za donacije i služe kao katalizator za dalje klupske projekte. Ukupno je RPV za 2022. godinu elektronski preko Finanzonline izvršio preko 1.700 prijava donacija.

Kao novu formu finansiranja klupskih projekata u saradnji sa crowdfunding platformom *impactory* nudimo mogućnost da se projekti s povlaštenim donacijama ponude široj javnosti. Time se naprimjer brzo i nekomplikirano mogu prikupiti donacije za charter proslavu ili na samoj proslavi. Ali tako se naprimjer i projekti koji su zaštitni znak kluba mogu učiniti vidljivim i izvan Rotaryja i kontinuirano osigurati donacijama.

Pod <https://rotary.impactory.org> ili preko sljedećeg QR koda:



može se pogledati prvi primjer projekta „Polio now“ i sa nekoliko eura doživjeti doniranje. U slučaju pitanja molimo da se obratite Ralfu Petersu, cto@rpv1910.at.

O ZADACIMA DBE

Claus Reitan

RC Wien-Albertina
Izvjestilac Distrikta



Najvažniji zadatak: informacije iz klubova, kontakt sa klubovima! Telefonski, e-mailom, kroz izvještaje, pregled štampe – kako bilo: izvjestilac distrikta bi trebao pokušati prikupljati i razvrstavati informacije o dešavanjima.

Na osnovu toga bi se onda trebali kreirati članci za mjesečni Rotary magazin. Koje priče o Rotaryju pričaju stranice Distrikta u magazinu? Odgovor na ovo pitanje smatram onim najbitnijim u djelovanju izvjestilaca distrikta. Nakon toga radi se samo još o produkcijskoj rutini – pribaviti fotografije, sačiniti tekst, unijeti. A sve to u dogovoru sa rukovodstvom distrikta s jedne i sa redakcijom magazina u HH s druge strane.

Istovremeno je važno obratiti pažnju na aktivnosti distrikta i sličnosti u aktivnostima klubova. Naprimjer u pomoći za žrtve zemljotresa na Balkanu, za izbjeglice iz Ukrajine, ukratko za široki socijalni, kulturni i humanitarni angažman Rotaryja na licu mjesta i u susjedstvu.

Za izvjestioce distrikta se otvara još i široko polje ponude aktuelnih članaka za web stranicu rukovodstvu distrikta, razmjene mišljenja sa Public Image timom, i tako dalje. Ali magazin je izuzetno važan, jer je on za distrikte kao i za Rotary u cjelini svojevrsna posjetnica prema vani, a potvrda slike o samom sebi prema unutra. U tome leži najotmjeniji zadatak svake publicistike.



ROTARY UPRAVNO UDRUŽENJE

Rotary upravno udruženje Distrikt 1910 (=RVV1910) je od 2011. godine kao neprofitno udruženje pravni subjekt Distrikta 1910 za austrijski dio, pošto on nije pravno lice sa poslovnom sposobnošću nego organizaciona jedinica Rotary Internationala).

Distrikt 1910 kroz svoje upravno udruženje realizira pravno-ugovorno-finansijske poslove.

RVV1910 uglavnom ispunjava sljedeće zadatke u Distriktu:

- zaključivanje profesionalnih ugovora - ugovora o osiguranju, ugovora o zakupu, informatičkih i telekomunikacionih ugovora, ugovora o radu i dr. - kako bi se osigurao kontinuitet duži od jedne godine odn. kako bi se izbjegla lična odgovornost nosilaca funkcija distrikta,
- kako bi se garantirao princip četiri oka za finansije distrikta i
- profesionalno i transparentno upravljanje imovinom distrikta van ličnog raspolaganja nosilaca funkcija distrikta (npr. da bi se izbjeglo moguće uplitanje u nasljedna pitanja ako se nešto dogodi guverneru/ici tokom nekog od brojnih putovanja u svrhu posjeta).

Sve prednosti koje sa sobom nosi udruženje sa jednostavnom internom administracijom koje podliježe austrijskom zakonu o udruženjima i drugim zakonskim odredbama - naravno uz pridržavanje pravila Rotary Internationala.

Svi članovi RVV imaju pravo izjašnjavanja i odlučivanja na godišnjoj generalnoj skupštini (kao na primjer kod odlučivanja o budžetu udruženja i godišnjoj članarini, prihvatanja i usvajanja izvještaja ili razrješenja uprave).

Upravu u rotarijskoj godini 2022-2023 ex officio čine DistriktGovernor, DistriktGovernorElect, ImmediatePastDistriktGovernor i Blagajnik Distrikta, te kao peti član uprave DistriktGovernorNominee kooptiran na generalnoj skupštini.

Trenutno su već 92 od 95 Rotary klubova članovi RVV 1910, a ove godine ćemo početi s nastojanjima da i Rotaract klubove u austrijskom dijelu pridobijemo kao članove.

Aktuelni statut RVV1910 može se naći na sljedećem linku:

[RVV - Rotary Verwaltungsverein - Rotary 1910 - Distrikt 1910 - Österreich](#)